

TERMU REFERENCIA	Tekniku Profisional Senior: Relasaun Eksterna no Marketing	Nu Ref: <u>41</u> /TITL/GDE/V/2025
		Aprova husi: Diretor Ezekutivu, & Diretor Ezekutivu Adjuntu data <u>21</u> / <u>05</u> / <u>2025</u>
		Verifika huis: Diretor Relasaun Externa e Marketing
		Prepara husi: Rekursu Umanu
Tipu Kontratu	Kontratu Termu Sertu	
Durasaun Kontratu	Fulan neen (6) ho possibilidade extensaun ba tinan 1	
Data Hahu Servisu	01 Julu 2025	
Relata Ba	Diretor Relasaun Externa e Marketing	
Fatin Servisu	TradInvest Timor-Leste	

FUNSAUN PRINSIPAL:

Responsavel atu haburas relasaun forte ho parte interesada prinsipal sira, inklui investidor sira, negosiu sira, no entidade governu nian, tantu lokal no internasional. Knaar involve dezenvolve no ezejuta planu komunikasaun estratéjiku sira hodi promove oportunidade investimentu no esportasaun Timor-Leste nian, jere relasaun pública hodi hasa'e ajénsia nia reputasaun, no garante envolvimentu média ne'ebé efetivu. Adisionalmente, tau matan ba kriaunsaun material komunikasaun ho kualidade aas no koordena eventu sira hodi hatudu nasaun nia potenciál, aliña esforsu hotu-hotu ho ajénsia nia objetivu sira.

DESKRISAUN SERVISU NO RESPONSABILIDADE:

1. Responsável hodi asegura ligasaun entre TradInvest Timor-Leste ho instituisaun externa sira seluk, inklui kooperasaun internasional no koordenaun ba promosaun investimentu no esportasaun, ho merkadu potenciál.
2. Apoia hodi promove no enkoraja dezenvolvimentu projetu kooperasaun ho agências de promoção de investimentos (IPA) eternu sira.
3. Halibur no organiza informasaun kona-ba tendénsia investimentu nian iha Ázia-Pasífiku, Asosiasaun Nasaun sira Sudeste Aziátiku nian (ASEAN), Comunidade País sira Lian Portugés nian (CPLP), entre sira seluk.
4. Mantein kooperasaun no komunikasaun diak ho Embaixada sira Timor-Leste nian iha estrangeiru kona ba asaun sira atu promove Timor-Leste iha estrangeiru, nomeadamente liuhosi preparasaun material promocional sira hodi informa ba investidor estrangeiru sira no halo publicidade kona-ba potenciál investimentu iha rai-laran;
5. Fó apoiu ba órgaun sira Tradinvest Timor-Leste nian iha matéria relasaun pública, sosial no aktu protokolu nian.
6. Monitoriza, halibur no prosesa informasaun notisia sira kona-ba interesse investimentu no esportasaun nian.
7. Tulun DREM hodi promove kolaborasaun no koordenaun ho entidade governamental sira ba diplomasia ekonómika iha estrangeiru no ho Embaixada sira, ho objetivu atu promove investimentu iha rai-laran.
8. Submete relatório atividade mensál.
9. Halo knaar sira seluk haktuir pedidu no orientaunsaun husi superior sira iha TradInvest.

KRITERIA NO KUALIFIKASAUN:

- Sidadaun Timor-oan (feto ou mane) ho idade minimu 22 no maximu 45 ho nível edukasaun minimu S1.
- **Edukasaun:** Lisensiatura iha area sira hanesan Relasaun Internasional, Political Science, Marketing, International Business, Development Studies, Global Studies, Sosiolojia, Digital Media no area relevante sira seluk.
- **Esperiencia:** Esperencia servisu minimu tinan tolu (3) iha area marketing, relasaun eksterna, imajen no peskiza.
- **Kuñeseimentu Tekniku:**
 - Iha kunesimentu iha area imajen no marketing, literasia dijital, copyright, diplomasia, jestaun imajen, hakerek relatoriu/press release ho serbisu ne'ebé relasionadu.
 - Hatene halo peskiza, halibur informasaun, halo analize no sínteze ba informasaun no dados, desenvolve relatoriu no abilidade diak ba halo apresentasaun.
 - Iha esperiencia servisu iha instituisaun estadu, ONG nasional ka internasional, kompania privada iha área relevante ho durasaun tinan tolu (3).
 - Hatene utiliza Microsoft Office (Word, Excel, PowerPoint, no seluk tan) ho diak.
 - Fluente iha lian Tetum formal, no kapasidade avansadu iha lian Ingles no Indonesia no intermediu iha lian Portugues.

ABILIDADE JERAL:

- Kandidatu/a tenki hatudu kódigu étika ne'ebe aas, hatene respeito, apresentavel, onestu, iha komunikaun diak no klaru, no halo interaksaun ho ema ho oin midar.
- Kandidatu/a tenki iha kapasidade kontrola-an no pasiencia iha ambiente profesional;
- Kandidatu/a tenki jere situaun ho profesionalismu maske iha presaun laran.
- Kandidatu/a tenki pontual haktuir oras servisu nian.
- Kandidatu/a tenki iha abilidade komunikaun ne'ebé diak no profesional.
- Kandidatu/a tenki iha vontade atu simu krítika no aprende husi fallansu sira.
- Kandidatu/a tenki prontu atu hanorin no fahe matenek.
- Kandidatu/a tenki iha abilidade atu servisu ho transparensia, integridade, servisu ekipa no lideransa.

Dili, 21 Maiu 2025

Arcanjo da Silva
Diretor Executivo
TradInvest Timor-Leste, I.P.


TradInvest Timor-Leste, I.P.
Agência de Promoção de Investimentos e Exportação
Duílio M. G. A. da Silva
Diretor Executivo Adjunto
TradInvest Timor-Leste, I.P.